

Date – 19/09/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. Mizoram sorkar Bana Kaih Policy nen kal kawp turin Mizoram thar chhuah buhhum ah sorkarin support price a pe dawn.**
- 2. Tuialhthei phur lirthei ten Kawnpui leh Sairang inkar Kawng chhia avangin din chhunzawm zel nise, an ti.**
- 3. Jammu & Kashmir Assembly inthlan thawhkhatna nimin khan zawh fel niin vote zaa 59 a tla.**
- 4. Phillipines ah fur pui nasa avanga chhياتna thlengah mi 20 aia tlem lo an thi a, mi 14 chin hriat loh in an awm**

<><><>

PADDY PROCUREMENT SCHEME

Mizoram sorkar Bana Kaih Policy nen kal kawp turin Mizoram thar chhuah buhhum ah sorkarin support price a pe dawn a. A bultan nan kuminah Kolasib leh Mamit district ah kalpui phawt tur a ni.

Nimin khan Chief Minister Pu Lalduhoma hovin Mizoram State Government Paddy & Rice Procurement Committee te chu CM Office-ah an thukhawm a, Mizorama buh chingtuten hlawk ve tawk taka an buhhum an hralh theih dan tur a ngaihtuah a. An lo zirchian tawhna behchhanin ruahmanna an siam a, buhhum lei dan tur kimchang hi vawiina Hand Holding Scheme hawnaah puan a ni ang.

He meetingah hian Ration Card var neitute hnena subsidy rate thar kumin October thla atangin Mizoram pumah kalpui tan a nih tur Supply Minister Pu B. Lalchhanzova chuan a sawi a.

Sawrkarin Card var tana subsidy cheng 25 a pek thin chu thla thar October atangin cheng 10 a pek tan a tum a. Mizoram pumah Card var ho tan buhfai khul man cheng 30 a ni tawh ang.

October thla atang vek hian Retailer te lawmman pawh kg khata duli ni thin chu chengkhat leh duli ah tihsan a ni tawh ang.

<><><>

NH 306 SITUATION

Mizoram Oil Tanker Drivers' Association (MOTDA) leh Petroleum Entrepreneurs' and Transporters' Union of Mizoram (PETUM) chuan Kawnpui leh Sairang inkar Kawng chhia avanga Tuialhthei phur lirthei ding mek chu chhunzawm zel nise, an ti.

Pawl 2 hruaitute hian Vairengte ah Jt meeting an nei a, National Highway 306, Kawnpui leh Sairang inkar Kawngpui chu Tuialhthei phur Lirthei te tana chetsual hlauhawm khawpa a chhيات avanga Oil Tanker-te an

flan tir ngam lo a, kawng siamthat hna thawktuten Oil Tanker-te flan ngam khawpa an siam that hma chu flan loh zel ni se, an ti a, Oil Tanker flan ngam tura siam that a nih hunah Oil Tanker zawng zawngte flan chhonzawm leh chauh nise an ti.

Kawng siam that mek dinhmun chu vawiin hian a hmunah en ho leh nise an ti a, Vairengte Police Checkgate atanga kan corr thudawn danin, Lengpui Airport a thlawhna in a hman tur Tuialhthei phur trip hnih- phai lam atanga lo lut chuan Vairengte Checkgate a paltlang a, hei bak hi ni 2 kalta chhung khan tuialhthei phur lirthei lo lut a awmlo a ni.

Hetihlai hian Mizoram Truck Owners Association leh Mizoram Truck Drivers Association hruaitute nen an lo sawi ho tawh angin, PWD Minister Pu Vanlalhlana chuan nimin khan National Highway (NH) 06, Kawnpui leh Khamrang inkar kawng chhia chu a hmunah tlawhin hmalakna kal mek a enfiah a, kawng siamtura hmachhawpte Official leh hemi kaihnawih lirtheia eizawngte a sawipui a. Heng bakah hian Kawnpui quarry bul leh Sethawn RTP peng bula NHIDCL kawng siam avanga harsatna thlengte a enfiah nghal bawk. PWD Minister hi Dy. Speaker Pu Lalfamkima'n a tawiawm a ni.

Pu Vanlalhlana chuan NH 06 chu Mizoram chak lakna kawngpui pawimawh tak a nih avangin kawng chhiate hmanraw neih ang ang pawt khawma theihtawp chhuaha buaipui a nih thu a sawi a. PWD hotute chu hmalaknate uluk taka vil reng tura chahin, kawng chhia in a nghawng mipuite te chu kawngpui tha nei tura Sawrkar hmalaknate thlawp tlat turin a sawm a. Kawng chhiate a ranglama thawmthat thuai tum a nih thu sawiin, kawng siam leh thawmthat hna thawh a nih chhung hian harsatna tawk palh an awm pawhin kan zavaia tana tha tur a ni tih hriaa lo hrethiam hram hram turin a ngen a ni.

He huna thurel bawhzuiin NH 06 Khamrang leh Kawnpui inkar kawng chhiate chak zawka siamthat a nih theih nan lirthei tangkhang mekte chu nimina chhuah tir vek hman tura hmalak nghal a ni a. Nimin atangin ni thum chhung lirthei eng chi mah flan tlang tir lovin ngawrh lehzuala kawng siam hna thawh nise tih a ni bawk a ni.

Hemi atan hian PWD lamin tuna an hman mekte bakah kawng siamna hmanrua leh thawktu tam zawk a ngaihtuah belh nghal a. Hemi hnua harsatna a awm a nih chuan ruahmanna thar siam leh nise tih a ni. Heng bakah hian kawng siam nana pawimawh lungchang leh POL te a thlen zung zung theih dan turte, lirthei veivakte awmze nei zawka buaipui dan turte pawh sawiho a ni a. NHIDCL enkawl kawngpuia harsatna thlengte chu a tul angte bawhzui thuai tura hriattir nise tih a ni bawk.

<><><>

KOLASIB LAND OWNERS ASSN

Kolasib District Land Owners' Association hruaitute chuan Forest Dept nena thu inhmuhlohna karah Kolasib District mipuite dinhmun a rang lama a chinfel vat a tul an ti a, hemi ti hlawhtling tura nawr nan kawngpui dan chah an tum tih an sawi.

Nimin khan Kolasib Press Club-ah Chanchinbumite kawm in, Kolasib District Land Owners' Association hruaitute chuan kum thum hmalam atangin

ram inchuhna avanga buaina leh harsatna an lo tawh tawh thu leh Mizoram sorkar pawh vawi engemaw zat an dawr hnu ah tun thlenga an harsatna chinfel sak an la nih loh avangin an thil ngiat nawr nan tun thla ni 25 zing dar 6 atangin tiam chin awmlovin RTP Farm, Sethawn ah NH-06 leh NH-306 (Silchar leh Aizawl inkar) Kawngpui danchah an tum thu an puang.

Land Owners' Assn hruaitute thilphut zingah Ram neitu nihna sorkarin chingfel se tih te; Riverine Reserved Forest (RRF) Notification 1965 chu thiah ni rawh se tih te; Kawngpui thlur li Project tihhlawhtlin ni rawhse tih leh Kum 3 chhung hmala thei lova an khuahkhirhna sorkar in sut rawh se, tih a ni.

Land Owners' Assn hruaitute sawi danin, Kum 2021 khan Gauhati High Court chuan RRF Notification 1965 chu hman tlak loh leh awmze nei tawh lo; mihring chenna hmun In leh Lo in a khat tawh, tiin a thiat a, Hei hi Forest Dept chuan pawm lovin Court in a zir chianna ah he RRF Notification hi Dan diklo a puan a ni, tiin tih nun leh tumin an bei a. Tunhnai ah Environmental NGO te pun in Supreme Court ah an zualko leh a, chu chu Mizoram sorkar pawhin kumin June thla vel khan thlawp in, he RRF Notification hi stay an dil zui ta a ni an ti,

Land Owners' Assn hruaitute chuan, tun dinhmunah Vairengte leh Sairang inkara cheng mipuite chu RRF avangin an him lo a, an chenna in, huan leh ram ti a an lo cheibawlte chu Forest Dept in a chhuhsak mek a ni an ti. Reserved Forest a chengte chu Dan lova awm leh hnawhchhuah theih reng an ni, tiin, State sorkar chuan Kolasib District mipuite dinhmun a rang lama a chinfel vat a tul a ni, an ti bawk.

Land Owners' Assn hruaitute chuan, kum 2020 atangin Four Lane atana ram lak tur avangin sorkarin ram neitute ram chu khawih theih loh in a khuahkhirh sak ni a tarlangin, chhungkaw tam takin eizawn nana an hman an huan thlai te enkawl zui thei lova sorkar in a siam avangin an mangang takzet tawh niin an sawi bawk.

Chanchinbumite an kawmna ah hian Land Owners' Assn JAC Chairman Pu James Vanlalringa; Vice Chairman Pu Malsawmthanga; Secretary Pu Lalnuntluanga Colney leh hruaitu thahnem tak an tel ani.

<><><>

INCRE

ICFRE – Bamboo and Rattan Centre (ICFRE – BRC) Bethlehem Vengthlang, Aizawl chuan ni thum chhung aw h tur Van Vigyan Kendra, Mizoram hnuaiah khuai khawi dan inzirtirna Hualngohmun ah an buatsaih.

He hun hi Horticulture Department Addl Director Pu L. Lalhmingmawia Pachuau chuan a hmanpui a. Khuai khawi chu ei leh bara ramin hma a sawn nan leh ramngaw humhalh nan a tangkai hle a ni ati a. Kalkhawmte chu ni thum chhung aw h training chhawr tangkaia hlawk taka hmang turin a chah a ni.

Training ah hian Hualngohmun Village Council huam chhunga thlan chhuah mi 20 ten khuai khawi dan ITI expert Pu Malsawmtluanga hnen atangin an zir dawn a ni.



KOLASIB YMA

Kolasib Sub-Hqrs YMA chuan Tuirial Hydel Project tuikhuah kama thingte nasa taka kih chereu mek a ni an ti a, hetiang a ti thinte an awm zui em tih Duty neiin uluk takin a vil mek a, chak zawk leh na zawka hmalak chhoh zel pawh tum tih an sawi.

Hemi chungchanga thuchhuah an siamah, Dan phal loh a thingzai nasa taka phurh a ni reng a, hei hian Tuirial chawmtu tuihna tikangin, kan Environment pawhin a tuar nasa hle dawn ni a an hriat thu an sawi Tuirial Lui dunga thing zai a, phurh chhuah chungchang hi Mizoram sorkar thuneitute pawh an sawi pui a, hmala tura ngenna an thlen tawh thin thu an tarlang bawk. Hetihlai hian Dan lova thingzai leh phurh chhuah hi a la pangngai reng tih an hriat thu thuchhuah ah chuan an tarlang ani Kolasib Sub-Hqrs YMA chuan Dan lova thingzai phur thinte hnenah titawh lo turin a hriattir a. Kolasib Sub-Hqrs YMA Rorel inkhawmin a lo rel angin, hetiang a ti thinte an awm zui em tih Duty neiin a vil mek a, chak zawk leh na zawka hmalak chhoh zel pawh tum tih sawiin, Thing zai a, phur chhuak lui an man anih a, an ngenna ngai pawimawh lo an awm anih chuan an chungah hriatthiamna awm lovin thuneitute hnenah Dan anga hrem turin hlan anni zel ang, an ti a ni.



J&K ELECTION

Jammu & Kashmir Assembly inthlan thawhkhatna nimin khan zawh fel niin vote zaa 59 a tla a. Hei hi kum 35 hnua J&K inthlana vote a tlak that ber tum ala ni a. Asembly bial 24 ah vote thlak niin boruak duhawm lo a thlen thu dawn a ni a. District pasarih Pulwama, Shopian, Kulgam, Kishtwar, Anantnag, Ramban, leh Doda ah te vote thlak a ni. Tun tum inthlan hi Article 370 paih anih hnua J&K Assembly inthlan neih leh hmasak ber a ni.



PHILLIPINES

Phillipines ah fur pui nasa avanga chhiatna thlengah mi 20 aia tlem lo an thi a, mi 14 chin hriat lohin an awm. Thudawn danin Philipines ah hian fur lo thleng bakah thlipui Cyclone Ferdie leh Gener tleh avangin chhiatna a thleng a. Kar hmasa atang khan hmun tam takah tui a lian a. HE khuarel chhiatna avang hian mi nuai 6 chuangin harsatna an tawh a, chenna in pawh 930 chuang a ti chhia a ni.

Philipines ah hian kumtin chawhrualin thlipui hi tum 20 vel tleh ziah ang a ni a. TUnhnaiah ruahsur, tuilian leh thli na tak tak an tuar nasa hle a. Mihring thihna mai bakah chenna in leh thlai chinna hmunte a chhe nasa hle a ni.



MEXICO

Mexico hmarlam Sinaloa state-a tharum thawhna thlengah civil mi 30 chuang an thi tawh. Mexico Defence Minister Luis Cresencio Sandoval chuan sawrkarin venhimna khauh lehzuat turin hma a la a ti a. Helai chehvela tharum thawhna thleng avang hian sipai pahnih an thih pah tawh a ni a ti . Thuneitute chuan pawikhawih tua rinhleleh mi 30 aia tlem lo an man tawh a. Heng an

mi mante hi misual rual pawla tel vek an ni a, Tun thla ni 9 a
buaina chhuah atang khan silai 115 an man tawh a. He buaina
thleng hi ruihhlo tawlhtu misual rual pawl pahnih inkara buaina
chhuak vanga thleng nia thudawn a ni.

<><><>